

外

科

卷四

外科

金壇

王肯綮

脇部上

脇肋也肋脇骨也有骨曰肋無骨曰脇

○脇疽

靈樞云發於脇名曰敗疵敗疵者女子之病也炙之其狀大癰

膿其中乃有生肉大如赤小豆治之判蔞薊草根各一升以水

一斗六升煮之竭為取三升即強飲厚衣坐於釜上令汗至足

已疵疾蜜切 甲乙經於赤小豆下 作治之判蔞草赤松根各一升

鬼遺云俠熒疽腫起發

肋及兩肩肘頭二十日不穴死九日可刺發赤白相間膿多可

治全無赤白者不治 又云兩肋起疽名為發肋初腫盛至十

數日不穴攻即腫大如杯碗高如鑲背痛徹內腸絞刺左邊患

應右邊痛右邊患應左邊痛惟有此處多是內毒却入攻而死
者多人有斯患急以針刺出膿血則免內攻傷內矣 或問脇
上生疽何如曰是名脇疽屬手厥陰心包絡足厥陰肝火熱毒
怒氣相併而作活命飲加柴胡紫金丹烏金散選用壯實者八
陣散一粒金丹下之此證宜速治不然潰爛不斂多致危困
一人患此如胡桃微痛微腫月餘漸大如杯醫作痰治或作肝
積或云痞塊竟莫能効數月遂大如盃堅硬如石不甚疼痛微
紅漫腫復得暴怒胸腹脹滿小水不利脉遲而微投以化氣丸
六一散小便利胸次寬繼投烏金散奪命丹間服八陣散月餘
漸消 一人年踰五十腋下患毒瘡口不合左脇脉數而渴此
胃火也用竹葉黃芪耆而止再用補氣藥而愈皆治下後

或發熱用地骨皮散効 一人性急味厚常服燥熱之藥左脇
一點痛輕診弦重乳知其痛處有膿與四物加桔梗香附生薑
煎十餘貼痛處微腫如指大針之少時屈身膿出與四物調理
而安 一夫人左脇內作痛牽引胸前此肝氣不和尚未成瘡
用小柴胡加青皮枳殼四劑少可加芎歸治之愈 一人連年
病瘧後生子三月病熱右脇下陽明少陽之分生一癰甫平左
脇下相對又一癰膿血淋漓幾死醫以四物湯敗毒散數倍人
參以香附爲佐犀角爲使大料飲乳母兩月而愈踰三月忽腹
脹生赤瘰如霞片取剪刀草汁調原先強沙傳隨消又半月移脹
入囊爲腫黃瑩裂開兩丸顯露水出以紫蘇葉盛麝炭末托之
旬餘而合此胎毒證也 一婦因忿鬱腋下結一核二十餘年

因怒加腫痛完穀不化飲食少思此腸胃虛也以六君子加砂

仁肉桂乾薑肉豆蔻泄雖止而膿清瘡口不合用十全大補湯

月餘而愈

機按前項二條脇瘡一因其性多躁急故用四物湯陰柔之劑以安靜之一因其肝氣不平故用小柴胡

疎理之劑以和解之此又因其性情爲治不特專於攻毒也

張通北人年踰四十夏月腋

下患毒潰後不斂膿出清稀皮寒脉弱腸鳴切痛大便溏泄食

下卽嘔此寒變而內陷也宜大辛溫之劑遂以托裏溫中湯二

貼諸證悉退更以六君子加炮乾薑肉桂數劑再以十全大補

湯而愈一人脇腫一塊日久不潰按之微痛脉微而瀉此形

證俱虛也經曰形氣不足病氣不足當補不當瀉宜用人參養

榮湯彼不信乃服流氣飲虛證悉至方服前湯月餘少愈但腫

尚硬以艾葉炒熱熨患處至十餘日膿成以火針刺之更炙豆

鼓餅又服十全大補湯百貼而愈 蓋流氣飲通行十二經諸
經皆爲所損况膽經之血本少又從而損之寧不傷生東垣曰
凡一經受病止當求責其一經不可干擾餘經苟泛投射代之
劑則諸經被戕寧無危乎 一人年三十素飢寒患右肋腫如
覆瓢轉側作水聲脉數經曰陰虛陽氣湊襲寒化爲熱熱甚則
肉腐爲膿卽此證也及按其腫處卽起是膿成遂濃煎黃芪六
一湯令先飲二鍾然後針之膿出數碗虛證並至遂用大補三
月餘而愈 大抵膿血大泄血氣俱虛當峻補之雖有他病皆
宜緩治蓋元氣一復諸病自退老弱之人不問腫潰尤當補也
一人因勞發熱脇下腫痛脉雖大按之無力此氣血虛腠理
不密邪氣襲於肉理而然也當補之以接虛怯之氣以補中益

氣湯加羌活四劑少可去羌活又百餘劑而愈 一人面白神

勞脇下生一紅腫如桃教用補劑不信乃用流氣飲十宣散血

氣俱憊而死 一人年踰二十腋下患毒十餘日腫硬不潰脉

弱時嘔予謂腫硬不潰陽氣虛嘔吐少食胃氣弱宜六君子湯

加砂仁藿香彼謂腫瘍時嘔毒氣攻心潰瘍時嘔陰虛宜補予

曰此丹溪大槩言也若腫赤痛甚煩躁脉實而嘔爲有餘當作

毒氣攻心而下之以瘡属心火故也腫硬不潰脉弱時嘔爲不

足當補之亦有痛傷胃氣或感寒邪穢氣而嘔者雖腫瘍尤當

助胃壯氣蓋腫瘍毒氣內侵作嘔十有一二潰瘍濕氣內傷作

嘔十有八九彼不信飲攻伐藥愈甚復請診脉微弱而發熱予

謂熱而脉靜及脫血脉實汗後脉躁皆難治果歿

○內發丹毒

或問脇下至腰膀間腫痛赤色如霞何如曰此名內發丹毒治之稍緩毒攻於內嘔噦昏迷胸腹臃脹者死二便不通遍身青紫者死急砭出惡血服防風通聖散去白朮甘草紫金丹勝金丹汗之服汗劑得汗則生無汗則死嘔吐不食譫語者死

腹部十一

○臍上疽

或問臍上寸許發疽何如曰此名衝疽又名中發疽一名壅腎瘡由心火熾盛流入腎經所致腫高膿稠色赤可治宜流氣飲活命飲勝金丹奪命丹選用若平塌黑色膨脹惡心膿水清稀內腎疼痛渴甚瀉利無度譫語直視者死潰久不斂者死按

後所言危證只是虛耳如能大補不死也

○臍癰

或問當臍生癰何如曰此卽臍癰也由心經積熱流於大小腸二經所致宜何首烏散活命飲加升麻及紫金丹三生散選用壯實者一粒金丹下之按臍爲神闕穴禁針之所早消散之免使見膿爲上

○小腹疽

鬼遺云衝疽發小腹疼痛而振寒熱四日悄悄五日變色可刺不刺及導引出膿毒不治五十餘日死或問臍下生疽何如曰此卽小腹癰臍下一寸五分爲氣海二寸爲丹田三寸爲關元皆屬肝脉由七情不和所致急服活命飲紫金丹奪命丹吐

實者一粒金丹八陣散下之老弱者黃芪木香散內補十宣散
十全大補湯選用若潰而低陷膿水清稀或潰爛久不斂者死
或問一人年十九患疽於小腹之左數月堅塊如石寒熱間
作飲食減少漸至羸廋何如曰是名緩疽屬足太陰經積熱所
致由醫不得法邪正相持耳投以紫金丹活命飲間服十全大
補湯半月而愈

○總論

薛腹癰謂瘡生於肚腹或生於皮裏膜外屬膏粱厚味七情鬱
火若漫腫堅硬肉色不變或脉遲緊未成膿也四君加芎歸白
芷枳殼或托裏散腫軟色赤或脉洪數已成膿也托裏消毒散
膿成而不外潰者氣血虛也卧針而刺之腫焮作痛者邪氣實

也先用仙方活命飲隔蒜灸以殺其毒後用托裏以補其氣若
初起欲其內消當助胃壯氣使根本堅固而以行經活血之藥
佐之若用剋伐之劑欲其消散則腫者不能潰潰者不能斂若
用疎利之藥下其膿則少壯者多爲難治老弱者立見危亡
一人年踰三十腹患癰腫脉數喜冷齊氏曰瘡瘍腫起堅硬者
實也河間曰腫硬瞤悶煩躁飲冷邪在內也用清涼飲倍大黃
三劑稍緩次以四物湯加芩連山梔木通四劑而潰更以十宣
散去參芪桂加金銀花天花粉彼欲速効自服溫補藥肚腹遂
腫小便不利仍用清涼飲膿潰數碗再以托裏藥治之而愈
一人腹癰焮痛煩躁作嘔脉實河間曰瘡瘍火屬須分內外以
治其本又云區裁心頁腫更將稠或皮肉不絕承元行實等

內也當疎其內以絕其源用內疎黃連湯利二三行諸證悉退
更以連翹消毒散而愈 一人腹癰膿熟開遲脈微細膿出後
瘡口微膿如蟹吐沫此內潰透膜也瘡瘍透膜十無一生雖用
大補亦不能救此可爲待膿自出之戒也 一人素嗜酒色小
腹患毒脈弱微痛欲求內消予謂當助胃壯氣兼行經活血佐
之可消彼欲速効自用敗毒等藥勢果盛瘡不潰膿飲食少思
兩月餘復請診脈愈弱盜汗不止聚腫不潰肌寒肉冷自汗色
脫此氣血俱虛故不能發腫成膿以十全大補湯三十餘劑膿
成針之反加煩躁脈大此亡陽也以聖愈湯二劑仍以前湯百
劑而愈 司馬李梧山患此腹痛而勢已成用活命飲一劑痛
頓止用托裏消毒散腫頓起此膿將成也用托裏散補之自潰

而愈 錦衣掌堂劉廷器正德辛未仲夏腹患癰潰而膿清熱
渴腹脹作嘔不食或以爲熱毒內攻皆用芩連大黃之劑病愈
甚薛曰當捨時從證投以參芪薑附等藥一劑嘔止食進再用
托裏等劑而瘡愈 進士邊雲莊腹痛惡寒脉浮數薛曰浮數
之脉而反惡寒瘡疽之證也不信數日後復請視之左尺洪數
薛曰內有膿矣仍不信至小腹痛脹連及兩臂始悟薛曰膿潰
臂矣氣血俱虛何以收斂急服活命飲一鍾臂潰一孔出膿斗
許氣息奄奄用大補藥一劑神思方醒每去後糞從瘡出痛不
可當小腹間如有物上挺卽發瘻不省人事煩躁脉大舉按皆
實省而診之脉洪大按之如無以十全大補倍用參芪至四斤
更加附子二枚煎膏服而瘻上又用十全大補湯五十餘劑而

瘡斂

上舍周

一元腹患癰

三月不愈

膿水清稀

朝寒暮熱服

四物黃檗知母之類食少作瀉痰涎上湧服二陳枳實之類痰涎愈甚胸膈痞悶謂薛曰何也薛曰朝寒暮熱血氣虛也食少作瀉脾腎虛也痰湧胸痞脾肺虛也悉因真氣虛而邪氣實也當先壯其胃氣使諸臟有所稟而邪自退矣遂用六君加黃芪當歸數劑諸證漸退又用十全大補湯肌肉漸斂更用補中益氣湯調理而痊 上舍毛體仁素陰虛春初咳嗽胸中隱痛腎脉數而無力肺脉數而時見此腎氣虧損陰火熾盛用六味九料一劑服之病勢雖減內癰已成蓋因元氣虛而未能發出火令可畏不信服痰火之劑兩月後乳間微腫脉洪數而無力薛曰膿內潰矣當刺出其膿以免內攻之禍不信又月餘請視但

針得一孔膿攪不利仍服內攻唇舌青赤薛曰臟腑已壞吾何能治之後果歿從姪孫年十四而畢姻乙巳春年二十四腹中作痛用大黃等藥二劑下血甚多胸腹脹滿痰喘發熱又服破氣降火藥一劑汗出如水手足如冰薛往他適歸診之左關洪數右尺尤甚乃腹癰也雖能收斂至夏必變而成瘰症用參芪各壹兩歸朮各伍錢陳皮茯苓各叁錢炙草炮薑各壹錢貳劑諸證稍退腹始微赤按之覺痛又二劑作痛又二劑腫痛脉滑數針出膿瘀更用大補湯精神飲食如故因遺精患處色黯用前藥加五味山茱山藥骨脂吳茱等劑瘡口漸斂瘰證悉具其脉非洪大而數卽微細如無唯專服獨參湯人乳汁少復良

久乃斃余曰當補後事以矣火王乃壽聖神區皆歷言生事

見更示以方藥皆峻利之劑且言保其必生敬信服之後果死
經曰拘於鬼神者不可以言至德而况又輕信方藥於邪妄之
人耶書此警後

背部 十二

○發背

或問背發疽有幾曰上中下三發俱在脊中屬督脉上發者傷
於肺發於天柱骨下中發者傷於肝為對心發下發者傷於腎
為對臍發皆由積熱怒氣所致初如粟米或麻或痒或拘急或
不痛或大痛初覺便宜隔蒜灸之或汗或下或托量其虛實施
治腦發背發在上者不可用木通恐導虛下元故也老弱者尤
宜戒然三發背總要之地與他處不同尤所當謹微有痛痒宜

速治之活命飲加羌活紫金丹勝金丹奪命丹選用壯實者一粒金丹八陣散等下之老弱者黃芪木香散十全大補湯托之鬼遺云蜂疽發髀背起心俞及心包絡俞若肩髃二十日不宐死十日可刺其色赤黑膿清者可治或問一人年六十背患疽狀如蜂房十日而平塌寒熱痛楚殊甚飲食少進膨脹淋瀝何如曰此蜂窠發也診其脉微而遲四肢厥冷爲不足詢其先前過服耗氣之劑又得暴怒用活命飲加參芪歸朮兼以烏藥青皮木香間與紫金丹服之起發膿潰服十全大補湯而愈特疽發肺俞及肝俞不宐二十日死八日可刺其色紅赤肉隱起如椒子者死

會陽二氣宜黃芩葛黃背或大或小不常腫熱脹大十日可刺